

Конференция

Энциклопедия

## Валтйсь героез — нылпи

21-тй тулыспалэ  
90 арес тырмысал  
удмурт кылбурчылы,  
прозаиклы, жур-  
налисты Николай  
Васильевлы.

Таин валче 24-тй юж-толэзе писательлэн вордйськем гуртаз, Алнаш ёросысь Усоын, орточо научно-практической конференция. Н. Васильевлы сйзем лыдзоньёс туэ 4-тйэ радьяськызы. Николай Васильевлысь нырысетй кылбурзэ печатлазы 1949-тй арын «Советской Удмуртия» газетын. Со йылпумъяз Алнаш шор ёзо школаез, Удмурт пединститутысь физика но математика факультетэз. Указ Алнаш школаын дышетйсь луыса, собере Кузёбай школаэн директорез вал. Печать удисэ выжиз 1960-тй арёсы. Указ «Алнаш колхозник» но «Советской Удмуртия» газетёсын, «Молот» журналын, «Удмуртия» издательствоын. Куд-ог кылбурёсы кырзан луэмын (тужгес тодмоез — «Ой, тй, чебер нылтёс»). Кылбурёсын, веросёсын, повестьёсын 12 книгаез потёмын, соос пöлын: «Сюрес вожын», «Адыми сюлэм», «Кин тон, атай», «Бадзым кылзэн вужерез», валтйсь геройёс отын — нылпиос. Туэ орточо конференциянын 2 секция ужалоз. Нылпиослы — «Н. Васильевлэн творчествоез но туалысь», дышетйсьёслы — «Н. Васильевлысь творчествозэ дышетоннын но вöлмытоннын туалы амалтёсты кутон». Н. Васильевлы сйзем лыдзоньёсы пырыськыны мылкыд карисьёс курысь-конзэс лэзыны кулэ 19-тй мартозь [muwazhi-2007@yandex.ru](mailto:muwazhi-2007@yandex.ru) адресэ.

— Туэ конференциямы 5 люкет луоз: пиналтёс кылбур малпалозы, кылысь кылэ берыктозы кылбурёсты, нунал куспын фильм пöрмытозы, Н. Васильевлэн веросёзья-повестезья суред лэстыозы но писательлэн творчествозья исследовательской ужёссэс возматозы. Усоын орточо конференция сярись пыр-почгес тодыны луоз, школамылэн сайтаз пыраса, — шуэ Усо школаысь дышетйсь Надежда Платонова.

# Зарни киосын вордйське чеберлык

Йöскалык библиотекаын ортчиз «Удмуртская Республика. Декоративно-прикладное искусство и художественные ремёсла» энциклопедиян тодматскон.

Библиотекалэн конференц-залаз огдыре сомында кибашлыос ноку но öз на люкаськылэ, дыр. Ижысь но ёросёсысь усточиос вуизы выль энциклопедиян тодматскыны. Залын буш пуконтьёс öй вал, уго та ужрадэ, кибашлыос сяна, вуизы шаерысьтымы кивалтйсьёс, книга бордын ужам адымиос, тодосчиос но калык культураен но искусствоен тунсыкъяськысьёс. Выль энциклопедия бордын тыршизы трос адымиос — История, кылъя но литература Удмурт институтысь, Калык творчество элькун юртысь, Россиясь История но культура синпелетёсты утёнъя огазеясконлэн Удмуртиысь ёзысьтыз, ёросёсысь кижжёсья юртёсысь. Та бадзым уез вормыны кылдйз, Президентлэн фондэсьтыз грант утыса.

Удмурт кижжылы сйзем энциклопедия дасян сярись кичёлтонэн потйз культура азывыл министр Анетта Сидорова. Чапак со министр луыса ужаку, шаерамы устьйськылызы кижжёсья юртёс.

— Та энциклопедия удмуртёслэн калык культуразы сярись рос-прос вера. Асьме калык сокем тунсыко но кибашлы, таёе книгаез поттытэк кельтыны нокузы но уг яра вал. Энциклопедиянын кижжёсья юртёс сярись гинэ öм гожтэ, туж



Удмуртилэн дано кунмуртэз Валентин Тубылов:

— Мон киям кутй та энциклопедияез но пайми, кудбыдза уж лэстымын. Татын кижжёс гинэ öвöл, татын удмурт калыклэн историяез возматэмын.

трос кибашлыосты, соослэсь ужёссэс возматыны тыршимы. Та энциклопедия гинэ öвöл, та калык культуралы сйзем зэмос дышетскон пособие, — шуиз Анетта Петровна.



Ува ёросысь Узей-Тукляысь кибашлылэн Екатерина Сунцовалэн куэм дйськутэз.

Энциклопедия люкамын туж узыр материал: 1 сюрс пала туспуктэмтёс, 600-лэсь уно статьяос. Соос верало вашкала удмуртёслэн кижжёсы сярись но, туалы усточиослэн коллекциясы но ужан амалтёсы сярись но.

Кун Кенешлэн Тöроезлэн воштйсьез Татьяна Ишматова верамъя, та энциклопедиян удмурт калык гинэ öвöл, быдэс элькун данъяськыны быгатэ.

— Шумпотйсько, асьме шаерамы таёе рос-прос, адзем карымон издание потйз шуыса. Чебер туспуктэмтёс но быгатыса шедьтэм кылтёс пыр со пыраклы юнматыса кельтйз быгатйсь но яркыт кибашлыослэсь нимёссэс, — шуиз Татьяна Витальевна.

Ковычевалы но Калык творчество элькун юртысь специалистлы Ольга Пислеговалы.

История, кылъя но литература Удмурт институтлэн кивалтйсьез Игорь Поздеев та книгаалэсь быдзалазэ но кулэлыккэ кöня ке лыдпусьёс пыр вераз:

— 22-тй арзэ ни институтамы ужа энциклопедия центр. Та 6-тй энциклопедия, кудйз потйз шаерамы, но 3-тйез, кудйз герзаскемын Удмуртилэн лулчеберетэныз. Мон жечкыласько авторёсты, редакторёсты, составительёсты, дизайн но верстка бордын ужасьёсты, таёе бадзым уж кылдйз шуыса но нимысьтыз тау кылтёс верасько кибашлыослы чеберлыкэз утемзы, кылдытэмзы но азинтэмзы понна.

Узей-Тукляысь кижжёсья но туризмъя «Артэль» центрлэн кивалтйсьез, скульптор Геннадий Сидоров но энциклопедия пумысен мылкыдзэ устыйз:

— Ми, кибашлыос, кижжёсья юртёслэн кивалтйсьёсы, табере историын. Бадзым вис карыса, тöды дэра азе кисточкаен султйськод ке, ки куалекъя. Та энциклопедияез киям кутэме бере но озы ик вал. Нырысетй бамтёссэ лыдзыса ик, паймиськод: кыёе кибашлы выльлйям но зол ужаллям

вашкала удмуртёс. Ведь 27 сюрс ремесленникёс гинэ выльлйям, соос 90 пумо кижжэз тодо вылэм. Асьмелэн кужмо, тунсыко кибашлыосмы вань, егит усточиосмы будо.

Тросэз кибашлыос асьсэлы сыёе ик зарни киё кивоштйсьёс будэйтйзы ни, кылсярись, люкаськем калык синмаськиз Ува ёросысь Узей-Тукля гуртысь усточиослэн Екатерина Сунцовалэн (Геннадий Сидоровлэн ныльзылэн) куэм дйськутэзлы — «Ингур» коллекциязы. Ужрадын сое быгатыса возматйзы Удмуртиысь культура колледжысь нылтёс (дышетйсьёсы — Ирина Касимова).

Презентацияез яркытгес каризы Сарапул ёросысь «Высокий берег» ансамбль но Ижысь К. Герд нимо гимназиясь «Крезь куара» нылпи коллектив. Солэн кивалтйсьез, крезьгурчи-фольклорист Ольга Перевозчикова пусйиз: ансамбльлы кубыз лэстыйз Киужжёсья элькун центрись кибашлы Евгений Бикозин, нош крезь — Вавожысь усточи Сергей Вихарев. Ольга Перевозчикова нылпиослы ачиз костюмтёс но вуре, но азылапал одно ик тодосчиосын но кибашлыосын кенеше: сцена вылэ маин сюрем потыны уг яра, дэрем шонер вуремын медло.